



第九六七册

四庫全書

●上海古籍出版社

本冊目次

天

中

記(三)

明陳耀文撰……………一

欽定四庫全書

子部

天中記卷四十二

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

滕錄監生臣葉世倬

欽定四庫全書

天中記卷四十二

明 陳耀文 撰

禮

本於太一夫禮必本於太一分而為天地轉而為陰陽

而為四時列而為鬼神

孔子曰夫禮先王以承天之道以治人之情

故朱之者死得之者生詩曰相鼠有體人而無禮人而

欽定四庫全書

天中記
卷四十二

無禮胡不遘死是故夫禮必本於天殺於地列於鬼神

達於喪祭射御冠昏朝聘故聖人以禮示之故天下國

家可得而正也

君之大柄禮者君之大柄也所以別嫌明微儆鬼神考

制度別仁義所以治政安君也

決嫌疑夫禮者所以定親疎決嫌疑別同異明是非也

道德仁義非禮不成教訓正俗非禮不備分爭辨訟非

禮不決君臣上下父子兄弟非禮不定宦學事師非禮

不親班朝治軍蒞官行法非禮威嚴不行禱祀祭祀供給鬼神非禮不誠不莊是以君子恭敬樽節退讓以明

禮曲

人之大端故禮義也者人之大端也所以講信修睦而固人肌膚之會筋骸之束也所以養生送死事鬼神之大端也所以達天道順人情之大寶也故唯聖人為知禮之不可以已也故壞國喪家亡人必先去其禮故禮之於人也猶酒之有藥也君子以厚小人以薄

禮運

欽定四庫全書

天中記
卷四十二

禁亂故朝覲之禮所以明君臣之義也聘問之禮所以使諸侯相尊敬也喪祭之禮所以明臣子之恩也鄉飲酒之禮所以明長幼之序也婚姻之禮所以明男女之別也夫禮禁亂之所由生猶防止水之所自來也故以舊坊為無所用而壞之者必有水敗以舊禮為無所用而去之者必有亂患故禮之教化也微其止邪也於未形使人日徙善遠罪而不自知也是以先王隆之也

禮解

有本有文禮器是故大備大備盛德也禮釋回增美質

措則正施則行其在人也如竹箭之有筠也如松柏之有心也二者居天下之大端也先王之立禮也有本有文忠信禮之本也義理禮之文也無本不立無文不行

禮器

大禮哀公問於孔子曰大禮何如君子之言禮何其尊也孔子曰吾聞之民之所由生禮為大非禮無以節事天地之神也非禮無以辨君臣上下長幼之位也非禮無以別男女父子兄弟之親婚姻疏數之交也君子以

欽定四庫全書

天中記
卷四十二

三

此之為尊敬然

哀公問

領惡全好子貢言游侍縱言至於禮子貢曰敢問何如子曰敬而不中禮謂之野恭而不中禮謂之給勇而不中禮謂之逆子貢曰敢問將何以謂此中者也子曰禮手禮夫禮所以制中和言游曰敢問禮也者領惡而全好者與子曰然

仲尼
無居

章疑別微夫禮者所以章疑別微以為民坊者也故貴

賤有等衣服有別朝廷有位則民有所讓

坊記

天地同氣禮之動搖也與天地同氣四時合信陰陽為

符日月為明上下和洽則物歎如其性命禮格命微

設容禮者所以設容明天地之體也春秋說題辭

治之粉澤太公對文王曰禮者治之粉澤也六韜

緣情禮者因人之情緣義之理為之節文者也管子

從俗禮從俗政從上使從君國有貴賤之體無賢不肖

之禮有長幼之禮無勇怯之禮有親疎之禮無愛惡之

禮也慎子

欽定四庫全書

天中記
卷四十二

四

制義人生有欲欲則求求則爭爭則亂亂則窮先王惡

其亂也故制禮義以養之禮者養也稻粱五味所以養

口也椒蘭芬芳所以養鼻也雕琢刻鏤黼黻文章所以

養目也疏房越席牀第筵所以養體也荀子

大隆禮有三本天地者生之本也先祖者類之本也君

師者治之本也貴本之為文親用之為理兩者合而成

文以歸太一夫是之謂大隆上

人道之極禮者人道之極也然而不法禮不足禮謂之

無方之民法禮足禮謂之有方之士上

國之幹天王使召武公內史過賜晉侯命受至情過歸

告王曰晉侯其無後乎王賜之命而過於受瑞先自棄

也已其何繼之有禮國之幹也敬禮之興也不敬則禮

不行禮不行則上下昏何以長世左傳十一

禮順天道齊侯侵我西鄙遂伐曹入其郭討其來朝也

季文子曰齊侯其不免乎吾則無禮而討於有禮者曰

女何故行禮禮以順天天之道也已則反天而又以討

欽定四庫全書

天中記
卷四十二

五

人難以免矣在周頌曰畏天之威于時保之不畏于天

將何能保以亂取國奉禮以守猶懼不終多行無禮弗

能在矣左文十五

人之幹晉侯使卻錡來乞師將事不敬孟獻子曰卻氏

其亡乎禮身之幹也敬身之基也卻子無墓且先君之

嗣卿也受命以求師將社稷是衛而情棄君命也不亡

何為成十

政之與曹武伯來朝會於商任齊侯衛侯不敬叔向曰

二君者必不免會朝禮之經也禮政之與也政身之守也急禮失政失政不立是以亂也

卷二十一

人之幹公至自楚孟僖子病不能相禮乃講學之苟能

禮者從之及其將死也召其大夫曰禮人之幹也無禮

無以立吾聞將有違者曰孔丘聖人之後也我若獲沒

必屬說而與何忌仲孫於夫子使事之而學禮焉以定其

位昭七

天經地義鄭子太叔見趙簡子簡子問揖讓周旋之禮

欽定四庫全書

卷四十二

六

焉對曰是儀也非禮也簡子曰敢問何謂禮對曰吉也

聞諸先大夫子產曰夫禮天之經也地之義也民之行

也天地之經而民實則之簡子曰甚哉禮之大也對曰

禮上下之紀天地之經緯也民之所以生也是以先王

尚之故人之能自曲直以赴禮者謂之成人夫不亦宜

乎上二十五

禮之善物齊景公曰善哉吾今而後知禮之可以為國

也對曰禮之可以為國也久矣與天地並君令臣恭父

慈子孝兄愛弟敬夫和妻柔姑慈婦聽禮也君令臣不

違臣共而不貳父慈而教子孝而歲兄愛而友弟敬而

順夫和而義事柔而正姑慈而從婦聽而婉禮之善物

也六十

嘉事不體知德公來朝子貢觀焉邾子執玉高其容仰

公受玉卑其容俯子貢曰以禮觀之二君者皆有死亡

焉夫禮死生存亡之體也將左右周旋進退俯仰於是

乎取之朝祀喪戎於是乎觀之今正月相朝而皆不度

欽定四庫全書

卷四十二

七

心已亡矣嘉事不體何以能久高仰驕也卑俯替也驕

近亂替近疾君為主其先亡乎

定十五

御民齊景公登射晏子修禮而待公曰選射之禮寡人

厭之矣吾欲得天下勇士與之圖國晏子對曰君子無

禮是庶人也庶人無禮是禽獸也夫禮者所以御民也

譬者所以御馬也無禮而能治國家者嬰未之聞也景

公曰善乃飭射更席以為上客終日問禮

說

禮中有禮晏子聘魯下堂則趣授王則跪子貢怪之問

孔子問晏子晏子對曰夫上堂之禮君行一臣行二也今君之授幣也卑臣敢不跪乎孔子曰善禮中又

有禮焉

韓詩外傳

長禮景公縱酒醉而解衣冠鼓琴以自樂顧左右曰仁人亦樂此乎左右曰仁人耳目猶入何為不樂乎景公曰駕車以迎晏子晏子聞之朝服而至景公曰今者寡人此樂願與大夫同之晏子曰君言過矣自齊國五尺已上力皆能勝嬰與君所以不敢者畏禮也故自天子

欽定四庫全書

天中記卷四十二

八

無禮則無以守社稷諸侯無禮則無以守其國為人上無禮則無以使其下為人下無禮則無以事其上大夫無禮則無以治其家兄弟無禮則不同居人而無禮不若遽死景公色媿離席而謝曰寡人不仁無良左右淫酒寡人以此至於此請殺左右以補其過晏子曰左右無過君好禮則有禮者至無禮者去君惡禮則無禮者至有禮者去左右何罪乎景公曰善哉乃更衣而坐觴酒三行晏子辭景公拜送上

習禮樹下孔子過宋與弟子習禮於大樹下宋司馬桓

魋使拔其樹去適鄭

與

絲叢漢興撥亂反正日不暇給猶命叔孫通制禮儀以正君臣之位高祖說而歎曰吾乃今日知為天子之貴也以通為奉常遂定儀法

前志

通與弟子百餘人為絲叢

野外習之

本傳

述舊禮宣帝時諫議大夫王吉上疏願與大臣廷及儒生述舊禮明王制驅一代之人躋之仁壽之域

漢書

欽定四庫全書

天中記卷四十二

九

聚訟曹褒上疏具陳禮樂之本制改之意詔班固問改定禮制之宜固曰宜廣招集議得失帝曰諺言作舍道邊三年不成會禮之家名為聚訟帝令黃門持班固所上叔孫通漢儀十二篇敕褒曰此制散畧多不合經宜依禮條正使可施行褒乃撰次天子至庶人冠婚吉凶制度以為一世大典帝以衆論難一故但納之

後漢

防本理者天所為也文者人所為也人所為謂之禮禮者因人情以為節文以救其亂夫隄者水之防也禮者

人之防也刑防其未禮防其本也黃生書

百事之會夫禮者陰陽之際也百事之會也所以尊天

地賓鬼神序上下之道也白虎通

義同名異禮者履也律也義同而名異五禮者吉凶賓

軍嘉也物理論

緣情為度禮者緣人情而為節度者也嚴父愛親之情

也尊親敬長之義也袁准正書

順時施宜王者必因前王之禮而順時施宜有所損益

欽定四庫全書

天中記
卷四十二

十

節人之心稍稍制作漢書

張翼張六星星明則王者行五禮得天之中翼二十度

星天之樂府俳倡星明大禮樂興晉志

祭祀

祭重凡治人之道莫急於禮禮有五經莫重於祭夫祭

者非物自外至者也自中出生於心者也心怵而奉之

以禮是故惟賢者能盡祭之義魏略

祭至周傳曰祭之為言察也察者至也至者人事也人

事至然後祭祭者薦也薦之為言在也在也者在其道

也尚書
蔡傳

數祭祭不欲數數則煩煩則不敬祭不欲疏疏則怠怠

則忘祭義說命曰黷于祭祀時為弗欽書

報功修先凡祭祀之義有二一曰報功二曰修先報功

以勉力修先以崇恩也衡論

報德崇恩古者尊祭重神祭宗廟追養也祭天地報德

也楊泉物
理論

欽定四庫全書

天中記
卷四十二

十一

享味宮室不設不可以祭祭者薦其時也薦其敬也薦

其義也非享味也穀梁傳

祭名春祭曰祠夏祭曰杓秋祭曰嘗冬祭曰蒸祭天曰

燔柴祭地曰瘞瘞祭山曰瘞瘞祭川曰浮沈祭星曰布

祭風曰傚是傚是禡師祭也既伯既馬祭也禘大祭

也繹又祭也周曰繹商曰彤夏曰復昨爾雅除惡之祭為

祓會福之祭曰祓告事永福曰禱道上之祭為禱潔意

以享為禋以類祭神為禋祭司命為祗祭豕先為禴月

祭為祥文記

四祭古者歲四祭因四時所生熟而祭先祖父父母也春曰祠祠者以正月始食韭也夏曰禴禴者以四月煮糜餅也秋曰嘗嘗者以七月嘗黍稷也冬曰烝烝者以十月進初稻也

春秋繁露

祭等天子祭天地祭四方祭山川祭五祀歲徧諸侯方祀祭山川祭五祀歲徧大夫祭五祀歲徧士祭其先凡祭有舉之莫敢舉也有其舉之莫敢廢也非其所祭而

欽定四庫全書

禮記卷四十二

十一

祭之名曰淫祀淫祀無福支子不祭祭必告於宗子凡祭宗廟之禮牛曰一元大武豕曰剛鬣豚曰臠肥羊曰柔毛鷄曰翰音犬曰羹獻雉曰跽趾兔曰明視臘曰尹祭脩脆曰商祭鮮魚曰脰祭水曰清滌酒曰清酌黍曰酺合梁曰酺算稷曰明黍稻曰嘉蔬韭曰豐本鹽曰醢醢王曰嘉王幣曰量幣

禮曲禮

國之大節海鳥曰爰居臧文仲使國人祭展禽曰越哉臧孫之為政也夫祀國之大節也而節政之所成也故

慎制祀以為國典今無故而加典非政之宜也夫聖王

之制祀也法施於民則祀之以死勤事則祀之以勞定國則祀之能禦大災則祀之能扞大患則祀之非是否也不在祀典凡禘郊宗祖報此五者國之典祀也加之以社稷山川之神皆有功烈於民者也及前哲令德之久所以為明質也及天之三辰民所以瞻仰也及地之五行所以生殖也氏九州名山川澤所以出財用也非是不在祀典

語國

欽定四庫全書

禮記卷四十二

十一

奉功成人聖王之法追祭天地日月星辰山川萬物皆古之人也能紀天地五行氣奉其功以成人者也故其奉祀皆以人事之禮食之所食也非祭食與土地金木水火石也又祭三皇五帝九皇六十四氏皆古帝王凡八十一姓

漢書禮書

國典屈到嗜芰有疾召其宗老而屬之曰祭我必以芰及祥宗老將薦芰屈建命去之宗老曰夫子屬之子木曰不然其祭典有之曰國君有牛享大夫有羊饋士有

豚犬之奠庶人有魚炙之薦不差珍異不陳庶修夫子
不以其私欲干國之典遂不用

始焚

備物于期祀平王祭以牛俎於王王問於觀射父曰祀
牲何及對曰祀加于舉天子舉以太牢祀以會諸侯舉
以特牛祀以太牢卿舉以少牢祀以特牛大夫舉以特
牲祀以少牢士食魚炙祀以特牲庶人食菜祀以魚上
下有序民則不慢王曰其小大何如對曰郊禘不過蠶
栗烝嘗不過祀握王曰何其小也對曰大神以精明臨

欽定四庫全書

卷四十二

十一

民者也故求備物不求豐大是以先王之祀也以一純
二精三牲四時五色六律七事八種九祭十日十二辰
以致之百姓千品萬官億醜兆民經入畝數以奉之明
德以昭之和聲以聽之以告徧至則無不受休王曰祀
不可以已乎對曰祀所以昭孝思民撫國家定百姓也
不可以已天子徧祀羣神品物諸侯祀天地三辰及其
土之山川卿大夫祀其禮士庶人不過其祖上所以教
民虔也下所以昭事上也天子親春禘郊之盛王后親

練其服自公以下至於庶人其誰敢不齋肅恭敬致力
于神民所以攝國者也若之何其舍之也

上

祭祀招禍昔楚靈王驕逸輕下簡賢務鬼信巫祝之道
齊戒潔鮮以祀上帝禮羣神躬執羽絃起舞壇前吳人
來攻其國人告急而靈王鼓舞自若顧應之曰寡人方
祭上帝樂明神當蒙福祐焉不敢赴救而吳兵遂至俘
獲其太子及后姬以下甚可傷

桓子
新論

祠子胥夫差師諸雋臣出國東祠子胥江水濱諸臣並

欽定四庫全書

卷四十二

十一

在夫差乃言曰寡人家先王之遺恩為千乘之主昔不
聽相國之言乃用讒佞之辭至令相國遠投江海自亡
以來滾滾憾憾如霧蔽日莫誰與言泣下沾襟悲不自
勝左右羣僚莫不傷悲

吳越
春秋

祀江湖越王既往平吳春祀三江秋祀五湖因以其時
為之立祠垂之來世傳之萬載隣邦樂德皆來取之
將祭亡牲魯公索氏將祭而亡其牲孔子聞之曰公索
氏不及二年將亡後一年而亡門人問曰昔公索氏亡

其祭牲而夫子曰不及二年必亡今過期而亡夫子何以知其然孔子曰夫祭者孝子所以自盡於其親將祭而亡其牲則其餘所亡者多矣若此而不亡者未之有也

語家

將祭叱富齊有貧者命其狗為富命其子為樂方將祭入於室叱之曰富出祝曰不祥家果有禍長子死守之曰樂乎而不自悲也

子尹

祀魏公子高祖微時聞魏公子賢及即位每過大梁常

欽定四庫全書

卷四十二

十六

祀公子高祖十二年從擊燕布還為公子置守冢歲四

時奉祀公子矣

漢書

祀黃石張子房從高帝過濟北果得穀城山下黃石取而寶祠之及留侯死并葬黃石每上冢伏臘祠黃石上

相鄉立祠初朱邑且死囑其子曰我故為桐鄉嗇夫其吏民愛我必葬桐鄉後世子孫奉嘗我不如桐鄉民及死其子葬之桐鄉西郭外民果共立祠歲時祠祭至今

不絕

鄉祀志

鄉里為榮桓譚字君山沛人章帝元和中行巡狩至沛令使者祠譚家鄉里以為榮

東觀漢記

祠蕭霍永平中詔京兆右扶風以中牢祠蕭何霍光出郡錢穀給蕭何子孫在三百里內悉令侍祠上

祀孔子元和一年春帝東巡狩還過魯幸闕里以太牢祀孔子及七十弟子作八代之樂大會孔子男子二十以上者六十人

孔叢子

卿士立祠元始四年詔書祀百辟卿士有益於民者蜀

欽定四庫全書

卷四十二

十七

蜀

欽定四庫全書

天中記
卷四十二

大

欽定四庫全書

天中記
卷四十二

九

雨尊從鹵簿車或發蓋百官霑濡還不至郊使有司行禮迎氣北郊上

漢制漢制天地以下羣臣所祭凡千五百四十新益為萬五千四十漢法三歲一祭天為雲陽宮甘泉壇以冬

欽定四庫全書

天中記
卷四十二

三

至日祭天天神下三歲一祭地於河東汾陰后土宮以

夏至日祭地地神出五帝祭於雍五時漢舊儀

汾葵祭地河東汾陰后土宮宮曲入河古之祭地澤中

方澤也禮儀如祭天名曰汾葵一曰葵葵也上

殊號實一晉太始二年詔羣臣儀五帝即天也天氣時

異故殊其號雖名有五其實一神明堂南郊宜除五帝

之坐五郊改五精之號皆同稱昊天上帝各設一坐而

已禮
志

二至祀合晉太始二年十一月有司又議古者社郊不

異宜并圓丘方丘於南北郊更修治壇兆其二至之祠

合於二郊帝又從之如宣帝所用王肅議也是月庚寅

冬至帝親祀圓丘於天自是後圓丘方澤不列立宋志

合祭古者祭天於圓丘在國之南祭地於澤中之方丘

在國之北所以順陰陽因高下而事天地以其類也其

方位既別而其燎壇瘞坎樂舞變數亦皆不同而後世

有合祭之文則天萬歲元年親饗南郊始合祭天地

欽定四庫全書

天中記
卷四十二

三

祭地北郊審宗即位有事於南郊賈曾議曰三輔故事

祭於圓丘上帝后土位皆南面則漢嘗合祭矣褚無量

郭山惲等皆以曾言為然是時審宗將祭地於北郊故

曾之議寢闕

貴德廣孝祭宗廟所以禘祫何尊人君貴功德德廣孝道

位尊德盛所及彌遠白虎通

禘祫三年一禘五年一禘以衣服想見其容色三日齋

思親志意相見所好意喜然後入廟

禮稱命昭

合食王者諸侯所以三年一祫五年一禘何三年一閏

天道小備故三年一祫祫者皆取未遷廟主合食太祖

廟中五歲再閏天道大備故五歲一禘禘者諦也取已

遷廟主合食太祖廟中

五經通義

日祭月薦古春秋左氏說古者先王日祭於祖考月薦

於魯高時享及二桃歲禱於壇及郊宗萬室

五經異義劉歆

曰春秋傳曰日祭月祀時望歲貢終王祖禘則日祭曾

欽定四庫全書

天中記卷四十二

王

高則月祀二禘則時享壇壝則歲貢大禘則終王彌遠

彌尊故禘為重矣

室而不卜今春秋公羊說祀宗廟室而不卜傳曰禘祫

不卜

五經異義

並夏孟冬建武二十六日詔問張純禘祫之禮純奏三

年一祫五年一禘禘昭穆尊卑之義以夏四月陽氣在

上陰氣在下故正尊卑之義祫以冬十月五穀成熟故

骨肉合聚飲食

續漢書祭祀志

神主出廟凡禘祫大祭則神主悉出廟堂為昭穆以安

坐不復停室也

宋禮志

王制先後王儉議按禮記王制天子先祫後時祭諸侯

先時祭後祫春秋魯禧二年祫明年春禘自此以後五

年再殷

齊禮志

祭不欲數元和申太常上言按禮祭不欲數太廟禘祫

祭禮重於時饗與禘祫同月即其月但行禘祫祭不行

時饗蓋不欲煩是禮先重者今時饗重於朔望薦食稽

欽定四庫全書

天中記卷四十二

王

求禮情參酌輕重請每時至及臘但行饗禮其月朔望

薦食請停如告廟日與朔望薦食日同請先行告禮然

後薦食

唐書

六宗

六宗舜典曰禋于六宗鄭注曰六宗謂星辰司中司命

風雨師也

天地四時萬物非天不生非地不載非春不動非夏不

長非秋不收非冬不藏故書曰禋於六宗此之謂也

通書大傳

天宗地宗古尚書說六宗者天地屬神之尊者謂天宗三地宗三天宗日月北辰也地宗岱山河海也日月為陰陽宗北辰為星宗岱為山宗河為水宗海為澤宗也祀天則天文從祀地則地理從也

五經異義

乾坤六子明帝問王肅六宗竟幾對曰坎為水離為火震為雷巽為風艮為山兌為澤此乾坤六子也

經書

社稷

土主地主社土地之主也土地濶不可盡敬故封土為

欽定四庫全書

天中記卷四十二

王肅

社以報功也稷五谷之長也穀衆不可徧祭故立稷神以祭之

經考

土神穀神社者五土之神也稷者百穀之神也天子為天下之人立社曰太社壇方五丈諸侯為境內之民立社曰國社地之勢有禮生物各隨所宜九州之人各居其土食其利者各報祭之籍田之後則告五穀既登又報功也國以民為本人以食為天故建國居民先命立社地廣穀多不可徧祭故立國城之內立壇祭之親之

也日用甲尊之也唯天子祭天地諸侯祭社稷而已

禮傳

為稷為社屬山氏之有天下也其子曰柱能植百穀

夏之衰也周棄繼之故祀以為稷神共工氏之霸九州

也其子曰句龍為后土能平九州故祀為社

禮

孔子曰

古之平水土及播植百穀者衆矣然唯句龍兼食於社

而棄為稷歷代奉之無敢易者明不可與等也

家語禹勞

天下死而為社周棄作穡死而為稷

淮南

示尊封土立社示有所尊稷五穀之長故封稷而祭之

欽定四庫全書

天中記卷四十二

王肅

稷者得陰陽中和之氣而為用又多故為長也歲再祭之

白虎通

王者自祭王者自親祭社稷何社者土地之神也土生萬物天下之所主也尊重之故自祭也

路樹成社邠原避地遼東多虎原之邑落獨無虎患嘗

行而得遺錢拾遺繫樹枝此錢既不見取而繫錢者愈

多原問其故答者謂之神樹原惡其由已而成淫祀乃

辨之於是里中遂歛其錢以為社供里老為之誦曰邠